



Uunga:
Mala Høy Kuko, Siumut

UKA2022/116: Uunga siunnersuut: Radiuklut tv-kuullu aallakaatitsisarneq pillugu Inatsisartut Inatsisaata allannqortinneqarnera pillugu Inatsisartut Inatsisaat (Atuisunut siunnersuisoqatigiit pillugit malittarisassat atorunnaarnerat, aallakaatitassaliortarneq pillugu oqaloqatigiissinnaaneq annertusisaq aamma tv-kuut naalakkersuinikkut upperisarsiornikkullu isiginnittariaatsinut pilerisaarinernut inerteqquteqartitsineq)

11-10-2022
Suliap nr. 2022 - 1291
All. nr. 21409660

Postboks 1029
3900 Nuuk
Oqa.: +299 34 50 00
Email: ikin@nanoq.gl
www.nanoq.gl

Asasara Inatsisartunut ilaasortaq Mala Høy Kuko

Qulaani inatsisissatut siunnersuut siullermeerinermi eqqartorneqarmat siornatigut Inatsisartut ataatsimiinnerat KNR radiuklut aallakaatinneqaraangat tusarnaartarnikuusutit ilisimatitsissutigaat, tamannali ukiuni kingullerni periarfissaasimanani.

Taava aallakaatitsinerit taamaattut qanoq aallarteqqinneqarsinnaaneri pillugu apeqquteqarputit, tassungalu misissuiniarlunga akissuteqarpunga, maannalu misissuisimallunga akissutissaqartippakkit.

Aallarniutigalugu oqaatigisinnaavara, apeqqut taanna UPA2017/27-mi aamma sammeneqarsimasoq. Taamani KNR-ip sulineranut sinaakkutaasut innersuussutigineqarput. Tassa KNR pisortat suliffeqarfiutigivaat namminersortitaq pingaartumik aallakaatitassiornerminut tunngatillugu Naalakkersuisunit Inatsisartuniillu kiffaangissuseqarluni sulinissaminut qulakkeerinniffusimasoq. Tamatumunnga kiffaangissuseqarluni tusagassiorsinnaanissap nammineerlunilu sammisassanik toqqaasinnaasup nammineerlunilu immikkut sammisassatut kissaatigalugu qitiutitsiffigisinnaasaminik qulakkeernissaat pissutaapput, tamakkulu siunnersuutip siullermeernerani oqaaseqartunit aamma eqqaaneqarlutik. Taamaammatt Naalakkersuisut KNR peqqusinnaangilaat, Inatsisartut ataatsimiinnerat radiuklut aallakaatinneqartassasut. Tamanna isumaqatigiissutigineqarsimappat aatsaat pisinnaassagalarpoq. Inatsisartut ataatsimiinnerat KNR radiuklut aallakaatitarnissaannik qulakkeerinninnissaq Naalakkersuisut suli soqutigisaraat, tamannali KNR-ip aallakaatitassatigut tullerriarineranut maannamut naleqqussarneqarsinnaasimangilaq.

Ilanngullugu oqaatigineqarsinnaavooq, Ineqarnermut Attaveqaasersuutinullu Naalakkersuisoq aallakaatitsissutit nutarterneqarnissaat pillugit Tusassimik isumaqatigiissuteqarsimasoq. Isumaqatigiissutip kingunerisaanik nuna tamakkerlugu tusarnaarneqarsinnaasumik radiuklut nutaamik kanaleqalersinnaassaaq, tassa teknikikkut suliat pisariaqartut naammassineqarpata. Ukioq ataaseq imaluunniit ukiut marluk qaangiuppata KNR-ilu isumasioqatigiittoqareerluni siunissami radiuklut kanali

nutaaq sumut atorneqarsinnaanersoq pillugu Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik Naalakkersuisunut innersuussisinnaassaaq. Taamaaliornikkut aallakaatitsinerit pineqartut radiukkut kanalimi nutaami aallakaatinnissaat periarfissanngussaaq.

Inussiarnersumik Inuulluaqqusillunga



Peter Olsen